



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Defectus in oratione cavendi

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Perfecti verò ad intimam cum Deo unionem contendant necesse est.

Tandem hujusmodi considerationes tot eliciat oportet, quot ad excitandam efficaciter voluntatem sufficient, hoc est, si una non sufficiat, duæ, tres, aut quatuor illam subsequantur, donec affectus interni cordis excitentur. Sedulò tamen etiam advertendum est, ut materiam propositam leviter ac superficialiter ne transcurramus, sed bis, terve, si opus fuerit, ad eandem considerationem redeamus, ut fructum inde desideratum hauriamus.

Defectus in oratione cavendi.

Aliqui nimis violenter se applicant.

QUantum attinet ad defectus plurimorum in hoc sancto orationis exercitio parùm omninò proficientium, sed potius in plurimas inconvenientias incidentium, eo quod ignorant, aut certè non exequantur omnia hæc monita & præcepta, advertendum est; reperiri nonnullos, qui statim ab initio materiam sibi propositam considerare incipiunt tantâ cum *impetuositate* ac tantâ capitis ac pectoris intentione & conatu, ut, naturâ statim defatigatâ, omnibusq; exhaustis viribus, desistere cogantur, neq; ulterius ullo progredi modo valeant.

Aliqui non satis se applicant.

Alii è contra ita parum, tantoq; cordis atq; animi *languore* considerationes suas adoriuntur, ut nihil omnino aliud faciant, nisi quod nescio quibus levibus ac superficialibus conceptis cogitationibus, è quibus fructum omnino nullum haurire valeant, oblectentur.

Aliqui initio se applicant, sed postea desistunt.

Nonnulli etiam initio nonnihil laborant, se pro exiguo tempore exercitio hinc applicantes; verùm statim lassati in quasvis obvias fe-

run-

runtur cogitationes, quas illis phantasia suggesterit.

Nec minus reperire est aliquos, qui uti sunt *Aliqui inquietis amantiſſimi, ita labores quàm maximè* *falsa pace* metuunt, ideoque statim à principio nescio *otiantur.* quo sursum se attollunt, atque ad nescio quam intellectus atque animi sublimitatem sese effertunt, ubi se super omnia esse existimant, fruique pace, quæ attamen reverà non est nisi naturalis, in qua nihilominus persistere conantur, absque eo quod aliud agant, parùm considerantes, se fundari & firmari in pura otiositate & desidia. in qua tempus omninò inutiliter consumunt ac perdunt.

Sunt etiam, qui non insistant materiæ serò *Alii super* expendendæ ac meditandæ, sed statim, ubi ob- *perficialem* ter omnia meditationis puncta, absq; ulla veri- *ter materiam pro-* tatis alicujus aut luminis distinctione, percurrerint, absq; etiam eo, quod quidquam in parti- *positam decurrunt.* culari digesserint, quamplurimos continuò eliciunt actus & affectus producunt sine ullo Dei tactu aut ordine, qua in re caput tantummodo frangunt, nec quidquam inde fructus reportant.

Nonnulli student pulchris efformandis cogitationis aut verbis reperiendis elegantioribus, nec parùm sibi complacent in eo, quod politos efforment discursus. Verùm aliud hi agunt nihil, *Aliqui curiosi politis student verbis & conceptibus.* quam quod ingenii sui curiositati satisfaciant, atque a Dei se spiritu, qui simplex est, elongent, omninoque nihil unquam in vitæ suæ emendatione proficient.

Tandem etiam reperiuntur non pauci, qui, *Aliqui nullum servant capti-* cùm ingenii sint omnino vivacis & ferventis, *ordinem.*

captivare se minimè possunt, ut puncta meditationis ordine ac sigillatim considerent, sed ab uno in aliud, saltando quasi, discurrunt, absque eo, quod quidquam cum iudicio & maturitate expendant. Hi similes omnino sunt illis, qui lauto accumbentes convivio, singula attingunt fercula, neque tamen ex illis quid manducant. Quæ causa est, cur famelici omnino remaneant.

Complures hic alii aperiri possent defectus. Verùm, præterquam quod isti sint potiores, quilibet in seipso facillime poterit illos, in quos frequentius incidet, advertere, & juxta instructionem & monita Magistri, quicum hac in materia sapissimè communicandum est, emendare.

CAPUT VI.

Methodus meditandi, & se in materiis tam sensibilibus, quam spiritualibus dilatandi.

FRatres nostri meditationem inchoaturi suaviter in memoriam revocabunt materiam & puncta, quæ præparaverint, illorumque propriam, vivam ac facilem concipere nitentur repræsentationem. Ante omnia vero advertendum ipsis est, omnia illa, quæ meditationis possunt suppeditare materiam, aut corporalia esse & sensibilia, aut spiritualia & invisibilia. Mystera Incarnationis, Nativitatis & Circumcisionis Salvatoris nostri, sicut & illius miracula, vita, mors, & passio, nec non & vi-

Duo genera materiarum meditationis.